

კავკასიის უნივერსიტეტი

კავკასიის სახელმწიფო მართვის სკოლა

საგანმანათლებლო პროგრამის დასახელება			
პოლიტიკის მეცნიერება			
საგანმანათლებლო პროგრამის დასახელება ინგლისურ ენაზე			
Political Science			
უმაღლესი აკადემიური განათლების საფეხური			
ბაკალავრიატი			
საგანმანათლებლო პროგრამის ტიპი			
აკადემიური პროგრამა			
სწავლების ენა			
საგანმანათლებლო პროგრამაზე სწავლება მიმდინარეობს ქართულ და ინგლისურ ენებზე			
მისანიჭებელი კვალიფიკაცია			
ქართულად:	პოლიტიკის მეცნიერების ბაკალავრი		
ინგლისურად:	Bachelor of Political Science		
პროგრამის ხელმძღვანელი	საერთაშორისო ურთიერთობების დოქტორი სერგი კაპანაძე		

პროგრამის მოცულობა კრედიტებით			
პოლიტიკის მეცნიერების საბაკალავრო საგანმანათლებლო პროგრამა მოიცავს 240 ECTS კრედიტს, წელიწადში – 60 ECTS კრედიტს, სემესტრში – 30 ECTS კრედიტს. შესაბამისად, საბაკალავრო პროგრამის სავარაუდო ხანგრძლივობა შეადგენს 4 წელს. დასაშვები ხანგრძლივობა 5–6 წელი. სასწავლო წელი აგებულია სემესტრული პრინციპით. ერთი სემესტრი მოიცავს 19 (21 კვირა დასკვნითი გამოცდის გადბარების შემთხვევაში) სასწავლო კვირას, შესაბამისად სასწავლო წელი დაგეგმილია 38 (42) კვირაზე. 1 ECTS კრედიტი უდრის 25 კრ. საათს, რაც მოიცავს, როგორც სტუდენტის საკონტაქტო დატვირთვის დროს (ლექცია, სემინარი, პრაქტიკუმი და სხვა), ასევე მისი დამოუკიდებელი მუშაობის დროს (შუალედური და საბოლოო შეფასებისათვის, აგრეთვე საშინაო დავალების მომზადებისა და პრეზენტაციისათვის განკუთვნილ კრ. საათს). დამატებით შესაძლებელია ზაფხულის 8 კვირიანი სემესტრის ორგანიზება, სადაც სტუდენტმა შეიძლება დააგროვოს მაქსიმუმ 15 ECTS კრედიტი.			

საბაკალავრო საგანმანათლებლო პროგრამის ვადის ამოწურვის შემდეგ აკადემიური დავალიანების მქონე სტუდენტს უფლება აქვს საგანმანათლებლო პროგრამის დასრულების მიზნით სწავლა განაგრძოს დამატებითი სემესტრების (არა უმეტეს 4 სემესტრისა) განმავლობაში, სტუდენტის სტატუსის შენარჩუნებით.

პროგრამაზე დაშვების წინაპირობა

- პოლიტიკური მეცნიერების საბაკალავრო საგანმანათლებლო პროგრამაზე სწავლის უფლება აქვს სრული ზოგადი განათლების მქონე პირს.
- ბაკალავრიატის საგანმანათლებლო პროგრამაზე მიღების წინაპირობაა ერთიანი ეროვნული გამოცდები. ერთიანი ეროვნული გამოცდების ჩატარებას უზრუნველყოფს საჯარო სამართლის იურიდიული პირი – გამოცდების ეროვნული ცენტრი. უმაღლეს საგანმანათლებლო დაწესებულებაში ჩარიცხვის ზოგადი წესიდან გამონაკლისი დაიშვება მხოლოდ კანონით დადგენილ შემთხვევაში.
- ეროვნულ გამოცდებზე უცხო ენად ინგლისური ენის ჩაბარება

პროგრამის მიზანი

საქართველოში საჯარო სექტორის განვითარების, პოლიტიკური სისტემის სრულყოფის, ინსტიტუციური მშენებლობის, ეკონომიკური წინსვლის აუცილებლობა, ქვეყნის სწრაფვა ევროპულ და ჩრდილო-ატლანტიკურ სტრუქტურებში ინტეგრაციისკენ, აქტუალურს ხდის განათლებული, მაღალპროფესიული საჯარო მოხელეების ყოლას, რაც წინამდებარე პროგრამის მიზანს წარმოადგენს. განსაკუთრებით მნიშვნელოვანია ისეთ ახალგაზრდა თაობის აღზრდა, რომელსაც ექნება პოლიტიკური მეცნიერებების სიღრმისეული ცოდნა და შეეძლება პოლიტიკის წარმოება მეთოდოლოგიური მიდგომების გამოყენებით.

პროგრამის მიზანია:

- ❖ მოამზადოს პოლიტიკის მეცნიერების სპეციალისტები საზოგადოების სოციალური, პოლიტიკური და ეკონომიკური განვითარების თეორიასა და პრაქტიკაში;
- ❖ მისცეს სტუდენტებს საფუძვლიანი ცოდნა და თეორიული მომზადება პოლიტიკის მეცნიერებაში.
- ❖ სამართლისა და კანონის უზენაესობის როლის გააზრება სახელმწიფო მოწყობის პროცესში;
- ❖ პოლიტიკური პროცესების შემეცნების და წარმართვის, ასევე პოლიტიკაში მონაწილეობის პრინციპების სწავლება სტუდენტებისთვის
- ❖ მასმედიისა და არასამთავრობო ორგანიზაციების როლის გაცნობიერება დემოკრატიული, გამჭვირვალე, კანონის უზენაესობაზე დამყარებული, სამართლებრივი სახელმწიფოს შექმნაში.
- ❖ პოლიტიკის მეცნიერებაში არსებული პრობლემების გააზრება – განზოგადება და ამ პრობლემებისადმი თეორიული ცოდნის მისადაგება;
- ❖ უცხო ენების სწავლება (ძირითადი და არჩევითი) უცხოელებთან თავისუფალი კომუნიკაციის დონეზე.

პოლიტიკის მეცნიერების საბაკალავრო პროგრამის მიზანია სტუდენტს გამოუმუშაოს:

- ❖ პოლიტიკის მეცნიერების თანამედროვე კონცეფციებისა და თეორიების ცოდნის პროფესიულ საქმიანობაში გამოყენების უნარი;

	❖ პრობლემის მკაფიოდ დასმის, ინფორმაციის შეგროვებისა და გადამუშავების, მიზეზ-შედეგობრივი კავშირების დადგენისა და გააზრების, ძირითადისა და არამთავარის ერთმანეთისგან გამიჯვნის, პრობლემების გადაჭრის ალტერნატიული გზის ჩამოყალიბებისა და მათგან ოპტიმალური შერჩევის უნარი; ❖ პრეზენტაციის, საქმიანი ურთიერთობებისა და პროფესიული კავშირების ადვილად დამყარების უნარი, მშობლიურ და უცხო ენებზე მეტყველებისა და წერის მაღალი კულტურა, კომპიუტერული უნარ-ჩვევები, პრეზენტაბელურობა, თანამშრომლობისა და გადაწყვეტილების მიღების განვითარებული უნარი; ❖ მომიჯნავე დარგებს შორის არსებული კავშირების ცოდნა და საჭიროების შემთხვევაში ამგვარი კავშირების დამყარების უნარი, ინტერდისციპლინარული მიდგომების გამოყენების უნარი გადაწყვეტილების მიღების დროს. ❖ პოლიტიკის მეცნიერებაში, პრაქტიკული საქმიანობისას, სამართლიანობის, სოციალური და დემოკრატიული ფასეულობების დაცვის უნარი. პოლიტიკური მეცნიერებებისთვის მნიშვნელოვანი ღირებულებების პატივისცემის უნარი
პროგრამის სწავლის შედეგი	❖ აქვს პოლიტიკის მეცნიერების სპეციალობისა და პოლიტიკური მეცნიერებების ძირითადი თეორიების ფართო ცოდნა. ❖ შეუძლია ახალი, ორიგინალური იდეების შემუშავება, გაცნობიერება, ცალკეული პრობლემის გადაჭრა; ❖ იცნობს საჯარო პოლიტიკის განვითარების პროცესებს ❖ აქვს პოლიტიკის მეცნიერების, საჯარო პოლიტიკისა და მომიჯნავე სფეროების (კონსტიტუციური და ადმინისტრაციული სამართლის, ეკონომიკის, სახელმწიფო ნიუჯეტისა და ფინანსების) ძირითადი საბაზისო ცოდნა; ❖ იცის მენეჯმენტის საფუძვლები, ორგანიზაციული თეორიები და იცნობს მათი პრაქტიკაში ასახვის მაგალითებს; ❖ აქვს მსოფლიო პოლიტიკური პროცესების განვითარების, თანამედროვე მსოფლიოში მზარდი ურთიერთდამოკიდებულებების წარმომქმნელი პროცესების და დამოუკიდებელ ელემენტთა სტიქიურობისა და მათი მართვის პრობლემების ცოდნა; ❖ აქვს ევროკავშირის ინსტიტუტებისა და გადაწყვეტილებების მიღების პროცესების ცოდნა; ❖ იცის საქართველოს როგორც პატარა სახელმწიფოს მნიშვნელობა და ადგილი თანამედროვე საერთაშორისო სისტემაში.
დასაქმების სფეროები	საბაკალავრო განათლების მიღების შედეგად ბაკალავრს პოლიტიკურ მეცნიერებაში შეუძლია ჩაერთოს დარგის სამეცნიერო ან პრაქტიკული საქმიანობის პროცესში, ამ საქმიანობის დამოუკიდებლად წარმართვის გარეშე. მას შეეძლება იმუშაოს პოლიტიკურ ექსპერტად, ანალიტიკოსად მედიის სფეროში, მას ექნება აუცილებელი ცოდნა სახელმწიფოსა და თვითმმართველობის ორგანოებში ან პარტიულ და საზოგადოებრივ ორგანიზაციათა აპარატში მუშაობისთვის. პროგრამის კურსდამთავრებულს სწავლის გაგრძელება შეუძლია მაგისტრატურაში, რომელიც ორიენტირებულია კანონმდებლობით დადგენილი წესით, შემდგომი დონის სპეციალისტის მომზადებაზე, საქართველოში თუ მის ფარგლებს გარეთ.
სტუდენტის ცოდნის შეფასების სისტემა	
პოლიტიკური მეცნიერებების საბაკალავრო საგანმანათლებლო პროგრამით შემოთავაზებული სასწავლო კურსების დაუფლება სწავლების პროცესში სტუდენტთა აქტიურ მონაწილეობას ითვალისწინებს და შეძენილი	

ცოდნის უწყვეტი შეფასების პრინციპს ეფუძნება.

განვლილი სასწავლო კურსის პროგრამით გათვალისწინებული საკითხების ათვისება შეფასებული იქნება 100 ქულიანი სისტემით, რომელიც სასწავლო პროცესში ჩართული მეთოდების წილისგან შედგება.

სტუდენტის სემესტრის განმავლობაში გაწეული შრომის შეფასება გარკვეული შეფარდებით ითვალისწინებს:

- მიმდინარე შეფასებებს;
- დამოუკიდებელი მუშაობის შეფასებას;
- შუალედურ შეფასებას;
- საბოლოო გამოცდის შეფასებას.

სტუდენტების ცოდნის შეფასებისათვის გამოიყენება როგორც ზეპირი, ასევე წერიტი (ტესტი, კაზუსი, ღია კითხვები, ესე და ა.შ) გამოკითხვა. შეფასების კომპონენტები და მათი ხვედრითი წილი ასახული იქნება კონკრეტული სასწავლო კურსის სილაბუსში და ეცნობება სტუდენტს სასწავლო სემესტრის დასაწყისში.

შეფასების სისტემაში ქულები გადანაწილება შემდეგი სქემის მიხედვით:

- (A) ფრიადი - მაქსიმალური შეფასების 91%-100%
- (B) ძალიან კარგი - მაქსიმალური შეფასების 81% – 90%.
- (C) კარგი - მაქსიმალური შეფასების 71% – 80 %.
- (D) დამაკმაყოფილებელი - მაქსიმალური შეფასების 61% – 70%.
- (E) საკმარისი - მაქსიმალური შეფასების 51% – 60%.

თუ სტუდენტმა ვერ დააგროვა დადებითი შეფასებისთვის საკმარისი ქულათა ჯამი, მაგრამ მის მიერ მოპოვებული ქულები შეადგენს ან აღემატება მაქსიმალური შეფასების 41%-ს, მას ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება.

მაქსიმალური შეფასების 40% და ნაკლები შეფასების მიღება ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სწავლებისა და სწავლის მეთოდები

სწავლის პროცესში კონკრეტული სასწავლო კურსის სპეციფიკიდან გამომდინარე გამოიყენება სწავლების ისეთი მეთოდები, როგორებიცაა ვერბალური, ანუ ზეპირსიტყვიერი მეთოდი, წიგნზე მუშაობის მეთოდი, წერიტი მუშაობის მეთოდი, დემონსტრირების მეთოდი, დისკუსია/დებატების მეთოდი, ჯგუფური (**collaborative**) მუშაობის მეთოდი, შემთხვევის ანალიზის (**Case study**) მეთოდი, როლური და სიტუაციური თამაშების მეთოდი, ახსნა-განმარტებითი მეთოდი, ქმედებაზე ორიენტირებული სწავლების მეთოდი, ელექტრონული სწავლების (**learning**) მეთოდი, აგრეთვე პრაქტიკული მეთოდები და სხვა. სტუდენტების ცოდნის შეფასებისათვის გამოიყენება როგორც ზეპირი, ასევე წერიტი (ტესტი, ღია კითხვები, ესე, შემთხვევის გარჩევა და ა.შ) გამოკითხვა. აუცილებელი მოთხოვნაა საშინაო დავალების მომზადება და მისი პრეზენტაცია. შეფასების კომპონენტები და მათი ხვედრითი წილი ასახული იქნება კონკრეტული სასწავლო კურსის სილაბუსში და ეცნობება სტუდენტს სასწავლო სემესტრის დასაწყისში.

შეფასების კომპონენტები მითითებულია თითოეული კურსის სილაბუსში და მიმართულია იმავე სილაბუსში მითითებული სწავლის შედეგების (კომპეტენციების) შემოწმებისკენ, სახელდობრ: აქტიურობის კომპონენტი ასახავს სასემინარო დისკუსიებში სტუდენტის მონაწილეობის სიხშირესა და ხარისხს; პრეზენტაციის კომპონენტის ფარგლებში ფასდება საკითხის ცოდნა, კრიტიკული ანალიზის უნარი, ინტერაქტიულობა და ვიზუალიზაციის ხერხების გამოყენების უნარი; რეფერატის კომპონენტით მოწმდება მოძიებული და დამუშავებული ინფორმაციის ცოდნა და მისი გადმოცემის უნარი; ტესტის კომპონენტით ფასდება კონკრეტული საკითხების ცოდნა და სხვა

პროგრამის სასწავლო კურსები

სასწავლო კურსის დასახელება	სასწავლო კურსის აღწერა	სავალდებულო/არჩევითი	ECTS კრედიტი	სწავლების სემესტრი
მოდული ზოგადსაუნივერსიტეტო საგნები			15	
საინფორმაციო ტექნოლოგიები CIS 1150	სასწავლო კურსის მიზანია სტუდენტი დაეუფლოს ინფორმატიკის საფუძვლებს, ინფორმაციის დამუშავებისათვის საინფორმაციო ტექნოლოგიების და სისტემების გამოყენების თავისებურებებსა და მომავალ პროფესიულ საქმიანობაში ინფორმაციული სისტემების გამოყენების პრაქტიკულ უნარ-ჩვევებს. კურსი ორიენტირებულია პრაქტიკულ შედეგზე და მოიცავს შემდეგ თემებს: ინფორმაცია, ინფორმაციის საზომი ერთეულები, კომპიუტერის არქიტექტურა, ოპერაციული სისტემა, ინტერნეტ-ტექნოლოგიები, საოფისე პროგრამები.	სავალდებულო	5	I
საქართველოს ისტორია HIST 0003	კურსი ემსახურება სტუდენტებისათვის კვალიფიციური ცოდნის მიცემა საქართველოს ისტორიაში. სალექციო კურსი აგებულია ქრონოლოგიურ-თემატური პრინციპით. კურსი ეყრდნობა თანამედროვე სამეცნიერო ლიტერატურაში არსებულ მრავალფეროვან ინფორმაციას.	სავალდებულო	5	II
აკადემიური წერა AW 3250	საგნის მიზანია განუვითაროს სტუდენტებს კვლევისა და წერის უნარ-ჩვევები. აკადემიური წერა არის ინტერდისციპლინარული, წერითი და კვლევითი ინტენსიური კურსი, რომლის მიმდინარეობისას სტუდენტები გაიუმჯობესებენ ინგლისურად მეტყველებისა და წერით უნარებს, ჩამოუყალიბდებათ საკონტრაქტო და კვლევითი დოკუმენტაციის ორგანიზებულად და გონივრულად გაფორმების უნარი მაღალ პროფესიულ დონეზე. შესაფასებელი დავალების უმეტესი ნაწილი შესრულდება დამოუკიდებლად.	სავალდებულო	5	VI
მოდული ინგლისური ენა			20	
B1.0 ზოგადი ინგლისური ENGL 0005	მოცემული სალექციო კურსი წარმოადგენს უცხო ენის პრაქტიკული კურსს. ეს სემესტრი ქმნის საფუძველს რიგი კომპეტენციების შესაძენად, რომლებიც მომავალი პროფესიული აქტივობისათვის საჭირო სპეციფიურ მოთხოვნებზე იქნება ორიენტირებული.	სავალდებულო	5	I-III
B1 ზოგადი ინგლისური ENGL 0006	მოცემული სალექციო კურსი ქმნის საფუძველს რიგი კომპეტენციების შესაძენად, რომლებიც მომავალი სპეციალისტის პროფესიული აქტივობისთვის საჭირო ენობრივ მოთხოვნებზე იქნება ორიენტირებული. მოცემული სალექციო კურსი პირველი სემესტრის სალექციო კურსის ლოგიკურ გაგრძელებას	სავალდებულო	5	II-IV

	წარმოადგენს და მისი წარმატებულად გავლის შედეგად კურსდამთავრებულს ექნება სათანადო ენობრივი კომპეტენცია, იმისთვის რომ აიღოს B1 დონის დამადასტურებელი სერტიფიკატი.			
B2.0 ზოგადი ინგლისური ENGL 0007	მოცემული სალექციო კურსი ახდენს ერთის მხრივ, რეცეპტიული (კითხვა, მოსმენა) უნარ ჩვევის დახვეწაზე და, მეორე მხრივ, ლექსიკური მარაგის გაფართოებას, რაც კურსდამთავრებულს საშუალებას მისცემს გაიგოს და დამოუკიდებლად შეიმუშავოს კომპლექსური ტექსტები.	სავალდებულო	5	I-III
B2 ზოგადი ინგლისური ENGL 0008	კურსი ორიენტირებულია ყველა იმ ენობრივი უნარ-ჩვევის დახვეწა-გაღრმავებაზე, რომელიც კურსდამთავრებულს ინგლისურენოვან გარემოში/ინგლისური ენის მატარებლებთან სპონტანური და შეუფერხებელი კომუნიკაციის/დისკუსიის საშუალებას მისცემს. კურსდამთავრებულს ექნება აუცილებელი ენობრივი ცოდნა B2 დონის (შეფასების ზოგადდევროპული ერთიანი ჩარჩო) სასერტიფიკატო გამოცდის ჩასაბარებლად.	სავალდებულო	5	II-IV
B2,0 ზოგადი ინგლისური ENGL 0009	კურსის მიზანია ენობრივი უნარ-ჩვევების შემდგომი გაღრმავება და ინგლისურ ენაზე შეუფერხებელი წერისა და კომუნიკაციის უნარის სრულყოფა.	სავალდებულო	5	III
C1 ზოგადი ინგლისური ENGL 0010	სალექციო კურსი წინა სალექციო კურსების ლოგიკურ გაგრძელებას წარმოადგენს და შემდგომი სემესტრის წარმატებულად გავლის შედეგად კურსდამთავრებულს ექნება სათანადო ენობრივი კომპეტენცია, იმისათვის რომ აიღოს C 1 დონის დამადასტურებელი სერტიფიკატი.	სავალდებულო	5	IV
მოდული მეორე უცხო ენა			20	
უცხო ენა (A1.0) FREN 0001, SPAN 0001, GERM 0001, RUS 0001, TURK 0001	კურსის მიზანია განუვითაროს სტუდენტს წერის, კითხვის, მოსმენის და საუბრის ჩვევები.	სავალდებულო	5	V
უცხო ენა (A1) FREN 0002, SPAN 0002, GERM 0002, RUS 0002, TURK 0002	კურსის მიზანია განუვითაროს სტუდენტს წერის, კითხვის, მოსმენის და საუბრის ჩვევები.	სავალდებულო	5	VI
უცხო ენა (A2.0) FREN 0003, SPAN 0003, GERM 0003, RUS 0003, TURK 0003	კურსის თემატიკა მრავალფეროვანია და მოიცავს თანამედროვე ცხოვრების მნიშვნელოვან ასპექტებს, რაც სტუდენტებს მისცემს ინტერკულტურულ გარემოში წარმატებული ორიენტაციისა და კომუნიკაციის საშუალებას. სტუდენტები სწავლობენ ისეთ თემებს, როგორიცაა: პირადი და პროფესიული ცხოვრება, მოგზაურობა, კულტურა და მედია.	სავალდებულო	5	VII
უცხო ენა (A2) FREN 0004, SPAN 0004, GERM 0004, RUS 0004, TURK 0004	კურსის თემატიკა მრავალფეროვანია და მოიცავს თანამედროვე ცხოვრების მნიშვნელოვან ასპექტებს, რაც სტუდენტებს მისცემს ინტერკულტურულ გარემოში წარმატებული ორიენტაციისა და კომუნიკაციის საშუალებას.	სავალდებულო	5	VIII

	სტუდენტები სწავლობენ ისეთ თემებს, როგორიცაა: პირადი და პროფესიული ცხოვრება, მოგზაურობა, კულტურა და მედია. კურსი გულისხმობს მარტივი ლიტერატურული, ოფიციალური ტექსტების, საგაზეთო სტატიების კითხვას; აზრის წერილობით გადმოცემის უნარის ჩამოყალიბებას.			
მოდული დარგობრივი და პროფესიული სავალდებულო საგნები			125	
რაოდენობრივი ანალიზის მეთოდები QUAM 1150	რაოდენობრივი ანალიზის კურსის მიზანია მისცეს სტუდენტს მათემატიკური მსჯელობისა და რაოდენობრივი ანალიზის მეთოდების ცოდნა, დაეხმაროს მას ყოველდღიურ ცხოვრებაში და მომავალ საქმიანობაში რაოდენობრივი ანალიზის გამოყენებაში.	სავალდებულო	5	I
დემოკრატია და მოქალაქეობა DEC 1150	კურსი ითვალისწინებს დემოკრატიის ძირითადი ღირებულებების, ადამიანის უფლებებისა და მოქალაქეობრივი პასუხისმგებლობის შესახებ სტუდენტის ცოდნის ფორმირებას, უნარების განვითარებას და განწყობილებების ჩამოყალიბებას.	სავალდებულო	5	I
კულტურა და ცივილიზაცია CIVI 1150	კურსი სტუდენტებს აცნობს კულტურისა და ცივილიზაციის არსს, გაიაზრებს და წარმოაჩენს მათ შესწავლასთან დაკავშირებულ პრობლემებს, აანალიზებს მათი განვითარების ეტაპებს, კაცობრიობის კულტურულ ცხოვრებას უძველესი დროიდან დღემდე.	სავალდებულო	5	I
თანამედროვე აზროვნების საფუძვლები PHIL 1150	კურსის მიზანია მომავალ საჯარო მოხელეს განუვითაროს კრიტიკული აზროვნების უნარი და გააცნოს დემოკრატიის, საბაზრო ეკონომიკის განვითარების და მსოფლიო გლობალური პროცესების დროში უბერებელი იდეები. კურსის წარმატებით გავლის შემთხვევაში სტუდენტებს ჩამოუყალიბდებათ ფუნდამენტური, პროფესიული საკითხების მიმართ მართებული და ღირსეული დამოკიდებულება.	სავალდებულო	5	I
შესავალი პოლიტიკურ მეცნიერებაში POLS 1250	სასწავლო კურსი ითვალისწინებს ინფორმაციის მიწოდებას თანამედროვე პოლიტიკისა და პოლიტოლოგიის პრობლემების შესახებ. კურსი მიმოიხილავს ისეთ საკითხებს, როგორიცაა: პოლიტიკისა და პოლიტიკური ტექნოლოგიების რობა, სისტემები და რეჟიმები, პოლიტიკური იდეოლოგიები, სახელმწიფო და სახელმწიფოს მართვის მექანიზმები, პოლიტიკური კულტურა, პოლიტიკური პარტიები, პოლიტიკური მონაწილეობა და არჩევნები. კურსი ასევე ითვალისწინებს ცოდნის მიცემას საერთაშორისო პოლიტიკური სისტემის წესრიგისა და გლობალიზაციის დინამიკის შესახებ.	სავალდებულო	5	II
სტატისტიკური ანალიზის მეთოდები STAT 1250	კურსი მოიცავს საფუძვლიან ინფორმაციას იმის შესახებ, თუ როგორ უნდა შეგროვდეს სხვადასხვა სტატისტიკური მონაცემები, როგორ უნდა მოხდეს მათი პირველადი დამუშავება და ინტერპრეტაცია, მონაცემების გააზრება, ანალიზი და ამ ანალიზის საფუძველზე დასაბუთებული დასკვნების გაკეთება.	სავალდებულო	5	II

ზეპირი და წერითი კომუნიკაციები COM 1250	კურსი ემყარება საჯარო მოხელეთა ზეპირ გამოსვლებში, წერილობით დოკუმენტებსა და მასმედიის ენაში გამოვლენილი ნორმატიული ხასიათის ტიპობრივი დარღვევებისა თუ სტილისტიკური უზუსტობების ანალიზს.	სავალდებულო	5	II
შესავალი საერთაშორისო ურთიერთობებში IR 2150	სასწავლო კურსის მიზანია სტუდენტს მისცეს ფართო თეორიული ცოდნა საერთაშორისო ურთიერთობათა სისტემის, პრინციპების, საერთაშორისო ურთიერთობათა კლასიკური თეორიების, საგარეო პოლიტიკის ცნობილი მეცნიერების კონცეფციების (როგორცაა მორგენთაუ, ჯორჯ კენანი, ჰენრი კისინჯერი, კარლ ჰაუსჰოფერი, ჯონ მაკინდერი) თაობაზე.	სავალდებულო	5	III
შესავალი სახელმწიფო მართვაში PA 2150	კურსის მიზანია სტუდენტებს გააცნოს სახელმწიფო მართვის ძირითადი პრინციპები საერთაშორისო და საქართველოს მაგალითზე, გააცნოს სახელმწიფო მართვის ბუნება, ის შეზღუდვები და გამოწვევები, რომელთა წინაშეც დგანან საჯარო მოხელეები თანამედროვე პირობებში.	სავალდებულო	5	III
სამართლის საფუძვლები LAW 2150	სტუდენტები გაეცნობიან, თუ როგორ და რა მეთოდებით ხდება სახელმწიფოს მიერ საზოგადოებრივ ურთიერთობათა რეგულირება, რა უფლება-მოვალეობები გააჩნია მას, როგორც მოქალაქეს და რა როლს ასრულებს თითოეული მათგანი სამართლებრივი სახელმწიფოს ჩამოყალიბებაში. კურსში განხილულია სამართლის კარდინალური საკითხები და სამართლის ის ძირითადი დარგები, რომელთა შესახებ ელემენტარული ცოდნა სახელმწიფო მართვის განმახორციელებელი ნებისმიერი სუბიექტისთვის სავალდებულო და აუცილებელია.	სავალდებულო	5	III
კვლევის მეთოდები QQDA 2150	კურსის მიზანია საბაზისო კვლევითი კომპეტენციების განვითარება - სოციალურ და პოლიტიკურ მეცნიერებებში გამოყენებული კვლევის თანამედროვე თვისებრივი და რაოდენობრივი მეთოდები.	სავალდებულო	5	III
შესავალი ეკონომიკაში ECON 2150	კურსი მოიცავს თანამედროვე ეკონომიკური მეცნიერების საფუძვლებს, მიკრო და მაკროეკონომიკურ თეორიებს, ეკონომიკური პოლიტიკის საფუძვლებს.	სავალდებულო	5	III
შესავალი შედარებით პოლიტიკაში COMP 2250	სასწავლო კურსი ითვალისწინებს პოლიტიკური მეცნიერების ფუნდამენტალური ცნებებისა და კატეგორიების გაცნობას. კურსი განიხილავს შედარებითი პოლიტიკის ძირითად მიმართულებებს; ლიბერალური დემოკრატიების შედარებით პოლიტიკას; შედარებით საჯარო პოლიტიკას; ქვეყნების დემოკრატიზაციის პროცესს; გლობალიზაციის გავლენას სახელმწიფოების შიდა პოლიტიკაზე.	სავალდებულო	5	IV
კონსტიტუციური სამართალი LAW 2255	სასწავლო კურსის მიზანია სტუდენტს მისცეს თეორიული ცოდნა ქართული კონსტიტუციური სამართლის შესახებ, ქართული კონსტიტუციური აზროვნებისა და კონსტიტუციონალიზმის წარმოშობის, საქართველოს სახელმწიფო მოწყობის კონსტიტუციური პრინციპების, სახელმწიფო	სავალდებულო	5	IV

	ხელისუფლების შტოების, ადამიანისა და სახელმწიფოს ურთიერთობის ძირითადი ასპექტების, აგრეთვე საქართველოს კონსტიტუციის დებულებებისა და მისი მეცნიერული განზოგადების საფუძველზე შემუშავებული უმნიშვნელოვანესი ცნებებისა და პრინციპების შესახებ. სასწავლო კურსის მიზანია გამოუმუშაოს სტუდენტს სამართლებრივი უნარ-ჩვევები, სამართლებრივი ლოგიკა და არგუმენტაცია, აგრეთვე სამართლებრივი წერის კულტურა.			
პოლიტიკური თეორია PT 2250	თანამედროვე პოლიტიკურ მეცნიერებათა შორის პოლიტიკის თეორიას ერთ-ერთი ცენტრალური ადგილი უკავია. პოლიტიკური თეორია უპირველეს ყოვლისა სახელმწიფოს ბუნების, ხელისუფლების, სამართლის და ადამიანის, როგორც მოქალაქის მოვალეობების ფილოსოფიური გააზრებაა.	სავალდებულო	5	IV
პოლიტიკური კომუნიკაცია PK 3150	პოლიტიკური კომუნიკაციის საგნის სწავლება ინტერდისციპლინარულია და მოიცავს რამდენიმე მომიჯნავე მიდგომას. ჟურნალისტიკა და კომუნიკაციის თეორია საჭიროა იმისათვის, რომ სტუდენტებმა შეძლონ საჯარო დისკურსის ანალიზი, გამოკვეთონ მისი მაფორმირებელი ელემენტები, ისეთები, როგორიცაა ჟურნალისტური ეთიკა, ღია და ფარული შეტყობინებები, დღის წესრიგის ფორმირება, სხვა. მედიის ინსტიტუციონალური მოწყობა ისწავლება იმ ორგანიზაციული სტრუქტურის საანალიზოდ. პოლიტიკური კომუნიკაციის კურსი სტუდენტებს აძლევს როგორც თეორიულ ცოდნას, ასევე პრაქტიკული რეალობის ანალიზისა და უკეთ გაგების ინსტრუმენტებს.	სავალდებულო	5	V
პოლიტიკური იდეოლოგიები PI 3150	კურსის მიზანია სტუდენტებს შეასწავლოს პოლიტიკური იდეოლოგიების არსი და მათი ადგილი თანამედროვე პოლიტიკურ აზროვნებაში, რომელიც არსებითად ჩამოყალიბდა სწორედ ამ იდეოლოგიათა ბრძოლის პროცესების პარალელურად.	სავალდებულო	5	V
საქართველოს ადმინისტრაციული სამართალი LAW 2254	მოცემული კურსის სასწავლო პროგრამა მიზნად ისახავს ერთი სემესტრის განმავლობაში სტუდენტს მისცეს საჭირო ცოდნა ზოგად ადმინისტრაციული სამართალში შემავალი ძირითადი დებულებებისა და ინსტიტუტების შესახებ, ასწავლოს სტუდენტს მიღებული ცოდნის გაანალიზების საფუძველზე ადმინისტრაციული სამართლის რეგულირების მეთოდები და ამ მეთოდების პოზიტიური და ნეგატიური სამართლებრივი შედეგების თაობაზე მსჯელობა; საკუთარი სამართლებრივი პოზიციის გამოხატვა და დასაბუთება. მიაწოდოს სტუდენტს თეორიული და უახლესი ნორმატიული ინფორმაცია შესაბამის ცვლილებებზე.	სავალდებულო	5	V
PT1 პროფესიული სამიზნე ენა ENGP 0150	ინგლისური ენის მოცემული სალექციო კურსი წარმოადგენს უცხო ენის პრაქტიკულ კურსს. ეს სემესტრი, ერთის მხრივ, ემსახურება გასული ეტაპების გავლის პერიოდში ჩამოყალიბებული პრაქტიკული თუ თეორიული უნარ-	სავალდებულო	5	V

	ჩვევების გამყარება-გაღრმავებას, მეორე მხრივ კი ქმნის საფუძველს ცოდნის გასაღრმავებლად არამარტო ევროპული უცხო ენის ფარგლებში, არამედ მთლიანი ევროპული სოციალურ-კულტურული გარემოს კონტექსტში. მოცემული სალექციო კურსი წინა სალექციო კურსის ლოგიკურ გაგრძელებას წარმოადგენს და ორი შემდგომი სემესტრის წარმატებულად გავლის შედეგად კურსდამთავრებულს ექნება სათანადო ენობრივი კომპეტენცია, იმისთვის რომ აიღოს C 1 დონის (შეფასების ზოგადევროპული ერთიანი ჩარჩო) დამადასტურებელი სერტიფიკატი.			
საქართველოს პოლიტიკური სისტემა GPS 3250	სასწავლო კურსი შეისწავლის საქართველოს თანამედროვე პოლიტიკურ სისტემას. ადმინისტრაციული და კონსტიტუციური სამართლის კურსებისგან განსხვავებით ამ კურსში აქცენტი გაკეთებულია საქართველოში მოქმედ რეალობაზე და არა მხოლოდ იურიდიულ ნიუანსებზე. კურსში საუბარია პოლიტიკურ პარტიებზე, პოლიტიკის წინაშე არსებულ გამოწვევებზე. შედარებულია საქართველოში მოქმედი პოლიტიკური სისტემები ედუარდ შევარდნაძის, მიხეილ სააკაშვილის და თანამედროვე პერიოდში. მიმოხილულია საქართველოში არსებული მნიშვნელოვანი პოლიტიკური ძალები, გარდა პოლიტიკური პარტიებისა. საუბარია ეკლესიის, არასამთავრობო ორგანიზაციების, საერთაშორისო აქტორების გავლენაზე პოლიტიკაზე. ასევე, საუბარია პიროვნების როლზე საქართველოს პოლიტიკაში.	სავალდებულო	5	VI
პოლიტიკის ანალიზი PA 3250	კურსის განმავლობაში სტუდენტები შეისწავლიან პოლიტიკის პოლიტიკის ანალიზის თეორიას და პრაქტიკულ მეთოდებს. გაეცნობიან პოლიტიკის ანალიზის პროცესს, ძირითად ცნებებს და თეორიულ ჩარჩოს, ასევე პოლიტიკის კურსის ეტაპების ანალიზის პრაქტიკულ ინსტრუმენტებს და პოლიტიკის ბარათის შემუშავების მეთოდებს.	სავალდებულო	5	VI
საჯარო პოლიტიკა PPA 0050	კურსის განმავლობაში სტუდენტები შეისწავლიან საჯარო პოლიტიკის საფუძვლებს და ანალიზის მეთოდებს. ისინი გაეცნობიან, არამარტო თეორიულ ჩარჩოს, არამედ პრაქტიკულ ინსტრუმენტებსაც, რომლებიც საჭიროა საჯარო პოლიტიკის შესწავლის და ანალიზის პროცესში. გაეცნობიან საჯარო პოლიტიკის არსს, მთავარ ცნებებს და თეორიებს, პოლიტიკის შემუშავების პროცესს და ციკლს, ასევე პოლიტიკის მოდელს და მთავარ მონაწილე ოფიციალურ თუ არაოფიციალურ აქტორებს.	სავალდებულო	5	VI
საბაკალავრო სემინარი BS 4250	საბაკალავრო სემინარში სტუდენტები სწავლობენ მოცულობითი აკადემიური ნაშრომის წერას, სწავლობენ როგორ დასვან საკვლევი კითხვა, როგორ განავითარონ ჰიპოთეზა და მათი საკვლევი საგნის ფარგლებში მოახდინონ დამოკიდებული და დამოუკიდებელი ცვლადების იდენტიფიცირება. სტუდენტები ასევე ისწავლიან, როგორ მოარგონ პოლიტიკის შემსწავლელი თეორიები მათ მიერ არჩეულ პრაქტიკულ ქეისებს.	სავალდებულო	5	VIII

საბაკალავრო ნაშრომი BT 4250	საბაკალავრო ნაშრომი წარმოადგენს სტუდენტის მიერ 4 წლის განმავლობაში მიღებული ცოდნის საუკეთესო გამოვლინებას. ამ ნაშრომის ფარგლებში სტუდენტები ახდენენ ერთი კონკრეტული თემის ირგვლივ კონცენტრირებას და სიღრმისეულად შეისწავლიან ამ თემას. საბაკალავრო ნაშრომი არის სრულიად დამოუკიდებელი, ინდივიდუალური აკადემიური ნაშრომი, სტუდენტის კვლევა, რომელსაც აქვს პრეტენცია მოიცავდეს მეცნიერულ სიახლეს და წვლილი შეჰქონდეს პოლიტიკის მეცნიერებაში, როგორც მეცნიერების დარგში.	სავალდებულო	10	VIII
მოდული დარგობრივი და პროფესიული არჩევითი საგნები			60	
პოლიტიკური ლიდერობა PL 0050	კურსის მიზანია სტუდენტებს გააცნოს სახელმწიფო მართვის ძირითადი პრინციპები საერთაშორისო და საქართველოს მაგალითზე. ასევე, სტუდენტები გაეცნობიან იმ შეზღუდვებსა და გამოწვევებს, რომელთა წინაშეც დგანან საჯარო მოხელეები თანამედროვე პირობებში. საგნის მსვლელობის დროს განიხილება სხვაობა სახელმწიფო და კერძო სექტორის ადმინისტრირებას შორის, სახელმწიფო მართვის ძირითადი კონცეფცია, პრინციპები, თეორია და პრაქტიკა; პერსონალის მართვა; სასწავლო კურსის მიზანია სტუდენტებს შეუქმნას საფუძვლიანი წარმოადგენა საჯარო ორგანიზაციების მენეჯმენტის არსსა და საფუძვლებზე, ორგანიზაციების მენეჯმენტის ისტორიასა და მენეჯმენტის თანამედროვე ტენდენციებზე. კურსი ცავს საჯარო მენეჯმენტის ისეთ შემადგენლებს, როგორიცაა: სტრატეგიული მართვა, საჯარო ორგანიზაციების ტიპები, საჯარო სექტორის მართვის თავისებურებები. საქმიანობის დაგეგმარება; ლიდერობა; ლიდერობისა და ეთიკის ძირითად პრინციპებს. მენეჯერის ფუნქციები, კომპეტენციები; გადაწყვეტილების მიღების მექანიზმები, პერსონალის მართვა და მოტივაცია, საჯარო სერვისები და მომსახურების ხარისხი, ეთიკა საჯარო სექტორში, საზოგადოებასთან ურთიერთობა და საზოგადოების ინფორმირებულობა, საჯარო სექტორის ანგარიშვალდებულებები. სტრატეგიული მართვის საკითხები; მისია, ხედვა, ღირებულებები; შედეგებზე ორიენტირებული საქმიანობის დაგეგმარება, მონიტორინგი და შეფასება; მენეჯერი და ლიდერი, ფუნქციები და კომპეტენციები; გადაწყვეტილებების მიღება საჯარო ორგანიზაციებში; პერსონალის მართვა საჯარო ორგანიზაციებში; მოტივაცია, ლიდერობა, დელეგირება, გუნდური მუშაობა; ეთიკა საჯარო ორგანიზაციებში, კონფლიქტების მართვა; ორგანიზაციული ცვლილებები და განვითარება; პარტნიორობა უკეთესი შედეგებისთვის; საზოგადოებასთან ურთიერთობა, საკომუნიკაციო სტრატეგიები. კურსი ორიენტირებულია სტუდენტს ჩამოუყალიბოს ანალიტიკური აზროვნების უნარი და განუვითაროს	არჩევითი	5	IV

	პრობლემის გადაწყვეტაზე მიმართული ხედვა, რაც განსაკუთრებით საჭიროა საჯარო მოსამსახურისა და საჯარო პოლიტიკის ექსპერტ-ანალიტიკოსისათვის.			
საარჩევნო სისტემები და პოლიტიკური პარტიები POLS 0050	სასწავლო კურსი ითვალისწინებს სტუდენტებს გააცნოს პოლიტიკური პარტიების რაობა, პარტიების ტიპების, ფუნქციების, პარტიული სისტემების, პოლიტიკური წარმომადგენლობის ძირითადი ინსტიტუტები და მათი როლი თანამედროვე პოლიტიკურ ცხოვრებაში, ასევე არჩევნები, საარჩევნო სისტემებისა და საარჩევნო პროცედურებთან დაკავშირებული საკითხები. კურსი მიმოიხილავს პოლიტიკურ პარტიებს როგორც საზოგადოებრივი და პოლიტიკური ცხოვრების უმნიშვნელოვანეს აქტორს, არჩევნების როლს დემოკრატიულ პოლიტიკურ სისტემაში, საარჩევნო პროცესს, საარჩევნო სისტემის სახეებს, ფუნქციებს, საარჩევნო სისტემას ჩვენი ქვეყნის რეალობაში. კურსი მოიცავს საარჩევნო პროცესის თანამედროვე კონცეფციებისა და მისი ცალკეული ასპექტების ანალიზს.	არჩევითი	5	IV-VII-VIII
ევროკავშირის პოლიტიკა EP 0050	სასწავლო კურსი შეეხება ევროკავშირის ინსტიტუტებს, ისტორიასა და პოლიტიკას, ისევე როგორც ევროკავშირის გაფართოებასთან დაკავშირებულ საკითხებსა და შეთანხმებებს. კურსის მიმდინარეობისას მოხდება ევროკავშირის ახალი პოლიტიკისა და მიმდინარე მოვლენების ანალიზი, ასევე განიხილება გადაწყვეტილების მიღების პროცესი ევროკომისიაში, ევროსაბჭოსა და ევროპის პარლამენტში.	არჩევითი	5	V
რუსეთის პოლიტიკა RP 0050	სასწავლო კურსით სტუდენტი შეისწავლის ისეთ საკითხებს, როგორიცაა: რუსეთის სახელმწიფოს წარმოშობა, მისი სპეციფიკა და მისი საგარეო პოლიტიკის განმსაზღვრელი ფაქტორები.	არჩევითი	5	VII
აშშ-ის პოლიტიკა USP 0050	კურსი შეისწავლის ამერიკის საგარეო პოლიტიკის ფორმირების საფუძვლებს და პრაქტიკას. ასევე საგარეო და საშინაო პოლიტიკის ურთიერთკავშირს ამერიკის სახელმწიფოებრიობის განვითარების სხვადასხვა ეტაპზე და აშშ-ს საგარეო პოლიტიკის ისტორიას. კურსი მიზნად ისახავს სტუდენტს შეასწავლოს კაცობრიობის ისტორიაში პირველი თანამედროვე დემოკრატიული სახელმწიფოს – ამერიკის შეერთებული შტატების საგარეო პოლიტიკის ისტორია, მისი ფორმირების საფუძვლები და ძირითადი პრინციპები.	არჩევითი	5	VI
საერთაშორისო ტერორიზმი IT 0050	სასწავლო კურსში განხილულია ტერორიზმის წარმოშობა და ტერორის მეთოდები, ხერხები, სახეები, ფორმები; ინდივიდუალური და მასობრივი ტერორის წარმოშობის მიზეზები; საერთაშორისო ტერორიზმის განვითარების ეტაპები; თანამედროვე „ტერორისტული ომები“ და საერთაშორისო ტერორისტული ორგანიზაციების ტერორის წარმოების სტრატეგიის და ტაქტიკის ძირითადი მიმართულებები.	არჩევითი	5	VI

საქართველოს საგარეო და თავდაცვის პოლიტიკა GFDP 3250	სასწავლო კურსში განხილულია საერთაშორისო პოლიტიკური და უსაფრთხოების სისტემის თავისებურებები, მიმდინარე ტენდენციები საქართველოსთან მიმართებაში. საქართველოს საგარეო და თავდაცვის პოლიტიკის პრიორიტეტული მიმართულებები, კონცეპტუალური ბაზა, მიმდინარე პროცესები და არსებული გამოწვევები.	არჩევითი	5	IV
ნაციონალიზმი-თეორია და ისტორია NTH 0050	კურსი ითვალისწინებს ნაციონალიზმის თეორიის ძირითადი საკითხებისა და მისი განვითარების ისტორიული ეტაპების შესახებ სტუდენტის ცოდნის ფორმირებას, უნარების განვითარებას და განწყობილებების ჩამოყალიბებას.	არჩევითი	5	VII-VIII
საერთაშორისო უსაფრთხოების საფუძვლები INTS 3150	სასწავლო კურსის მიზანია სტუდენტს მისცეს საერთაშორისო უსაფრთხოების სისტემის, ტერორიზმისა და ტერორისტული ორგანიზაციების შესახებ საბაზისო ცოდნა, რა იგულისხმება „უსაფრთხოების“ კონცეფციაში და რამდენად არის იგი დაკავშირებული საერთაშორისო ასპარეზზე ცალკეული სახელმწიფოების საქმიანობასთან, რა ინსტიტუტებით და მეთოდებით ხორციელდება მისი მართვა და რა როლს თამაშობს ამ პროცესში საერთაშორისო ორგანიზაციები.	არჩევითი	5	VII
პოლიტიკური კონფლიქტი PC 0050	სასწავლო კურსის მიზანია საბაკალავრო პროგრამის სტუდენტებისათვის კონფლიქტოლოგიის საგანის და ამოცანების, პოლიტიკური კონფლიქტების დინამიკის, მოგვარების და რეგულაციის გზების, ასევე პოლიტიკური კონფლიქტების მართვის როლის შესახებ საერთაშორისო ურთიერთობების აქტუალური საკითხების და პრობლემების გადაჭრაში თეორიული ცოდნის ფორმირება.	არჩევითი	5	VI-VII-VIII
საჯარო ორგანიზაციების მენეჯმენტი MGT 2250	სასწავლო კურსის მიზანია სტუდენტებს გააცნოს საჯარო ორგანიზაციების მენეჯმენტის ძირითადი პრინციპები და მიმართულებები საერთაშორისო და საქართველოს მაგალითზე. კურსის მსვლელობისას სტუდენტები შეისწავლიან საჯარო ორგანიზაციების მენეჯმენტის არსსა და საფუძვლებს, ორგანიზაციების მენეჯმენტის ისტორიასა და მენეჯმენტის თანამედროვე ტენდენციებს.	არჩევითი	5	VII
პერსონალის მართვა საჯარო სექტორში PMAN 3150	სასწავლო კურსში განხილულია საჯარო სექტორში ადამიანური რესურსების მართვის სისტემის როლი და მნიშვნელობა. არსებული თავისებურებები, მიმდინარე ტენდენციები. თანამედროვე პერსონალის მართვის სისტემის შემადგენელი კომპონენტები. პერსონალის მართვის თანამედროვე მექანიზმები და შესაძლებლობები.	არჩევითი	5	IV
სტრატეგიული სწავლებები STST 4150	კურსში მოცემულია სტრატეგიული აზროვნების განვითარების ევოლუციის საკმაოდ დეტალური სურათი, აღწერილია სტრატეგიის თანამედროვე სწავლებანი და 21-ე საუკუნეში სტრატეგიული დაგეგმვისა, სტრატეგიული მართვის თეორიები და საუკეთესო პრაქტიკა, მეთოდთა და ინსტრუმენტები სტრატეგიული გეგმის შემუშავებისთვის.	არჩევითი	5	VII

შედარებით სახელმწიფო მართვა CPA 0050	კურსის მიზანია სახელმწიფო მართვის თეორიისა და პრაქტიკის შესწავლა შედარებით კონტექსტში. კურსი შეიცავს ცნებებს სახელმწიფო მართვის, საჯარო პოლიტიკის, შედარებითი პოლიტიკის და განვითარების კვლევების აკადემიური სფეროებიდან.	არჩევითი	5	IV-V
მართვის სოციოლოგია MS 0050	კურსი ითვალისწინებს მართვის (მართველობითი) სოციოლოგიის, მენეჯმენტის სოციოლოგიის შესწავლას. კურსის ფარგლებში სდტუდენტები შეისწავლიან სამართავი მოქმედების ძირითადი პრინციპების გამოყენების თეორიასა და პრაქტიკას, რაც თანაფარდობაშია ცალკეული პიროვნებების, სოციალური ჯგუფების სოციალური ურთიერთობების თავისებურებებთან საზოგადოების ერთიან სისტემაში და მის ქვესისტემებში, სოციალური ორგანიზაციის სხვადასხვა ტიპებში.	არჩევითი	5	IV-V
საზოგადოებასთან ურთიერთობა PR 0050	აღნიშნული კურსის მიზანია სტუდენტების მისცეს სწორი საფუძველი საზოგადოებასთან ურთიერთობებზე, როგორც დღევანდელი მსოფლიოში ისე საქართველოშიც უკვე კარგად განვითარებულ დარგზე.	არჩევითი	5	IV-V
პროექტის მართვა MGS 0050	კურსის მიზანია სტუდენტებს გააცნოს პროექტის ინიცირების, დაგეგმვის მეთოდები და დაეხმაროს პროექტის მართვის უნარების განვითარებაში.	არჩევითი	5	VII-VIII
საერთაშორისო ორგანიზაციები IO 0050	სასწავლო კურსის მიზანია მსოფლიოში არსებულ წამყვანი გლობალური და რეგიონალური საერთაშორისო ორგანიზაციებზე ცოდნის მიღება. განხილული იქნება საერთაშორისო ორგანიზაციების სისტემა და სტრუქტურა, მათი როლი თანამედროვე საერთაშორისო ურთიერთობებში, უფლებამოსილებანი და ფუნქციები, გადაწყვეტილების მიღების პროცესი, გამოწვევები და მიღწევები.	არჩევითი	5	IV-V
შედარებით საგარეო პოლიტიკა CFP 0050	საგანი მიმოიხილავს სხვადასხვა სიდიდის, ძალისა და გავლენის მქონე განვითარებული და განვითარებადი ქვეყნების საგარეო პოლიტიკას მათ საშინაო პოლიტიკასთან მიმართებაში.	არჩევითი	5	IV-V
სამხრეთ კავკასიისა და შავი ზღვის რეგიონის გეოპოლიტიკა GEOP 4250	განსახილველი საკითხები მოიცავს რეგიონის იდენტურობას, მისი მოდერნიზაციისა და განვითარების, კონფლიქტებისა და თანამშრომლობის, ლიბერალიზაციისა და დემოკრატიული განვითარების საკითხებს.	არჩევითი	5	VIII